



حركة التحرير الوطني الفلسطيني - فتح  
إقليم استراليا



## تمرّة رمضان

العدد رقم ٢٠

### مطبق بالجوز

يصنف هذا الطبق من الحلويات.  
مكوناته الأساسية: جوز مفروم  
+ خشن + طحين + خل تفاح +  
زيت نباتي + ملح + ماء.



### الصيب

هو مطر شديد غزير الذي يصوب، أي  
ينزل ويقع، ويُقال للسحاب صيب أيضا.  
يقول الله تعالى في سورة البقرة آية رقم  
١٩: بسم الله الرحمن الرحيم (و كصيب  
من السماء فيه ظلمات ورعد وبرق)  
صدق الله العظيم

### عصير البرتقال

مكونات هذا العصير :

- ثمار برتقال + ماء بارد + سكر.





حركة التحرير الوطني الفلسطيني - فتح  
إقليم استراليا



حكاوي ستي

### وقفة إبليس

عجينة مش مخبوزة وأكلة مش مطبوخة بس الست حليلة ملخومة خطرة بتتج من الشباك وخطرة من خرم الباب ولا سمعنا ولا أرينا بس قلبنا فرينا مالك يا ستي حايسة لايسة ولا رابطك كرسي ولا واسعك شبشب وخدمي الله وهدي حالك إيش صاير معك وعلى مين بتتسنسي؟ يا الله يا تينا طيب إستني شوي ولما أعرف بحكي لك من طق طق لسلام عليكم. حلوة كثير إذا بتعرفي الشغلة هذه أنه إللي بدو يعرف إيشي بروح على دار إللي يعرف وبطق طق باب داره وبساله فيعرف إللي برضي خاطره وبعدينش بقول يسلمه ما قصرت والسلام عليكم بخاطرك. هيذ الأصول يا متعلمة مش تقدي تراقبي كل همسة وتشوفي كل لمسة هيذ مش فعل أوادم هاظا فعل الخسيس إللي بدور على أغلاط الناس وما معصوم من الغلط إلا رب الكون. يا الله يا تينا كل هاظا الحكي بتحكيه عني وكأني شيطانة بدو أخرب الدنيا طيب إستني وبحكي لك كل شي بعد شوي، شاوي يشوي ضلعوك واقفة واقفة إبليس وبتفتشي تعرفي المتخبي عيب هيذ بالله عليك بترضي حدا يقعد يراكك ويعد عليك أنفاسك لما أقولك الدنيا دؤارة زي ما بتعملي في الناس الله بيعت مين يستد لحق الناس حوشي خيرك وخففي شرك الله يسعدك إذا بدك تعرفي إيشي روجي لصاحبة العلاقة إسألها وهي بتحكي لك. يا تينا في طوشة قامت وما قعدت بنت جيرانا تقالتت مع عمتها وهن بنفس الصف بالمدرسة ولما إجت على البيت إمها وقفت معها وراحت معها على دار سيدها وصارن يزتن حكي وفزعن الحارة وفاكك بينهن النسوان، وهلقيت رجع أبوها على البيت وإيش تجمعوا ازلام ونسوان وبيتهن صار مليون ناس وقبل شوي إجت ست بنت الجيران وبعدها بدو أعرف لوين بدها توصل الشغلة ولو تعرفي إنه الطوشة كلها كانت خبزات إمي أزكي من خبزات إمك وشرارة ودبت بكوم قش. بكفي يا ستي الله يسعدك إذا بعد إللي قلته إلك لساتك مش فاهمة يبقى لا حياة لمن تنادي، قدامك شغلة من تنتين يا إما بتروحي وبتقدي في بيتهن مثل باقي الناس أو ضلي واقفة واقفة إبليس الله لا يردك

من وقف بجانبى وقت الشدة



سأقف بجانبه وقت الشطرنج



آمنة جها





حركة التحرير الوطني الفلسطيني - فتح  
إقليم استراليا



خرافية

### بنت الحفيرة

على ذمة الراوي والعنب المرابي والنار والنور والصاج والتنور والشهيق والزفير وحافر الحمار العتيق وزنبوعة الإبريق إنه شفت شوفة يا ناس برغوث محمل قلقاس لمن شاف الناطور حط الجمل تحت باطه وداس، ما بصدق هالحكي وهالكلام إلا قليل العقل وصفيع الدقن بياع المكانس بسوق العصر. كان ياما كان يا قاريين أخبار الزمان ما بطيب الحديث إلا على ذكر النبي عليه الصلاة والسلام .

قالوا لنا عن يونس وبدرية حكي عشاق خلقوا سوى وتربوا وكبروا على محبة بعض، يونس ابن رنيفة مرتة لمحرز إللي ساكن في قرية اسمها باقة، كانت رنيفة مرا قوية أكتافها إعراض ووراكها خشب زان ما هي إمها علمتها تحلب البقر من هي بنت زغيرة، وحتى لما تزوجت كان مهرها بقرة شامية، بس يا حرام رنيفة ما إجاها بنت من صلبها وعيب إنه الولد يحلب البقر فضلت تحلب البقر لحالها جابت سبع بطون وظلت مثل طلق الريحان مشيتها قوية وهمتها جبلية، عاد إللي صار مع ابنها السابع ما صار مع حدا، كانت هي حامل وكانت قاعدة تولد بالبقرة وتقول يا رب تلد بقرة لأنه بقرتها الإم ختيرت وبدها بقرة صبية، وتوليد البقرة بده صبر لأنها بتلد بساع وصارت رنيفة تساعدها وتملسها وتقرأ عليها قرآن وإيش الدنيا صيف حامي وتعبت رنيفة بس ضلت لحد ما طلعت نص بقرة زغونة وما إنتبهت على حالها إلا وطلقها هي حمي وصارت بدها تلد سحبت البقرة وقعدت بدها تولد حالها وصارت البقرة الكبيرة تلحوس فيها وبدها تساعدها تلد وضلن يساعدن بعض تا صار عندهن يونس وبدرية .

يونس بكبر مع بدرية وبرضع معها من إمها وكان بده يرضعها من إمها بس إمها كانت تنهر عليه، ولما كبرت بدرية صار يطلع معها مشاوير وهي بدرية كانت هرشة إللي بقرب عليها كانت تنطحه إلا يونس كانت تلحوسه قد ما بتحبه ما هو أخوها. مرت على أبوه سنة محل لا في مي ولا وحل وصار يداين تا يسقي زرعاته والداية ما بترحم وفش حدا راضي يشتري البقرة الختيارة ولا حتى الجزارين كلهم بدهم بدرية، قام مصلح عرض على محرز أنه يشتري بدرية ويسد كل دينه وإذا أول بقرة بتلدها بعطيتها ألك وهاظا إللي صار، بس هاي بدرية متعودة على الكسرة مع يونس وضلت كل يوم تيجي عنده ويطلعوا يكسدروا بس إمها ليونس قالت له هاي بطلت إلنا الناس بنزعل، فإجت بدرية وهو يشوفها وما يرد عليها وبعد كم شهر حبلت بدرية بس ضلت كل يوم تيجي بدها تشوف يونس وهو ما يرد عليها، ومرة من المرات طلعت برات الحارة ووصلت المكاثي وطاحت على وادي الحفاير وهذه الحفاير بعملوها الناس لما تنشف البيار بتكون مثل الجرة وسبعة من تحت بس فتحتها زغيرة ولبسوها إمنيح وبتصير المي تنز من طرفها نز وبسموها ميت النزاز بسقوا منها الزرع والدواب بغسلوا فيها الأواعي بس بتنشرش، المهم بدرية بتعرفش تمشي بين الحفاير وقعت وصارت كلها جوات الحفيرة وصارت تصيح وتجمع العالم بدهم يساعدها وعملوا شيلة معاكسة من الحطب فوق الحفيرة ووسعوا بابها و ربطوا زلمة بحبل وطيحوه تا يجيب بدرية قامت نطحته سحبوها الزلمة وربطوا مصلح قامت نطحته قاموا ربطوا محرز كمان نطحته بعدينش رنيفة قالت مش رح ترد إلا على يونس ربطوا يونس ونزل ربطح الحبل داير من دارها وقال اسحبوها قاله أبوه أول إشي إطلع بس هو ما قبل قال بدرية أول شي سحبوها بدرية وإلا إجا الطلق قالهم استنوا شوي وتمه معها نصهم بالوحل تا ولدها حمل البقرة الزغونة وطلعها لبرا وبعدينش سحبوها بدرية صارت تلحوس فيه وهو يلحوس بالبقرة الزغونة ومصلح قال: رديت إلها الروح خذها معك ع البيت وتا تكبر البقرة الزغونة بتعطيني إياها أما بدرية فهذه مش لحدنا غيرك.





حركة التحرير الوطني الفلسطيني - فتح  
إقليم استراليا



## صدر حديثا

### رواية مأساة السيد مطر

-المؤلف الروائي : مجد كيال .

-صدرت عن دار الأهلية للنشر.

-فنتازبا مظلمة تروي التناقضات النفسية والاجتماعية الدموية التي تتخذ من مدينة حيفا المحتلة مسرحا لها . فازت بجائزة عبد المحسن القطان للكاتب الشاب , حيث اعتبرتها لجنة التحكيم رواية غنية.

## فراشات فلسطين

الاسم العلمي

**Satyrum Spini**

ساتايريوم إسبيني

